



Broj: 01-296/23
Vareš, 30.11. 2023. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), člana 22. i 65. Statuta Općine Vareš – prečišćeni tekst, broj: 01-162/12 od 11.09. 2012. godine Općinsko vijeće Vareš, na 30. sjednici održanoj 30.11. 2023. godine, d o n o s i

ODLUKU

o raspisivanju izbora za članove Savjeta mjesne zajednice Neprivaj

Član 1.

Raspisuju se izbori za članove Savjeta mjesne zajednice Neprivaj.

Član 2.

Izbori će se provesti u periodu od 11.12. do 17.12. 2023. godine (ovisno o mjesnim prilikama) u vremenu od 10,00 do 21,00 h.

Ukoliko se izbori ne provedu u periodu utvrđenom u stavu 1. ovog člana, obavezuje se Služba za opću upravu društvene djelatnosti i boračko-invalidsku zaštitu da sa organima MZ Neprivaj provede izbore izvan navedenog perioda, a u skladu sa mjesnim prilikama.

Član 3.

Broj članova Savjeta mjesne zajednice Neprivaj utvrđen je Statutom Mjesne zajednice Neprivaj, s tim da ne može biti manji od 3 ni veći od 9.

Sastav članova Savjeta će odražavati srazmjernu zastupljenost mjesnih područja, nacionalnu zastupljenost kao i jednakopravnu zastupljenost spolova.

Član 4.

Članovi Savjeta i predsjednik mjesne zajednice Neprivaj biraju se po postupku i na način utvrđen Statutom Mjesne zajednice Neprivaj i u skladu sa Statutom Općine Vareš.

Član 5.

Zadužuje se Služba za opću upravu, društvene djelatnosti i boračko-invalidsku zaštitu Općine Vareš da sa organima MZ Neprivaj provede izbore, sačini zapisnik i pripremi akte za potvrđivanje rezultata izbora za članove Savjeta mjesne zajednice Neprivaj i iste dostavi Općinskom vijeću Vareš.

Član 6.

Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆA
OPĆINSKOG VIJEĆA**

Mahira Brkić

Odluka objavljena na oglasnoj tabli Općine Vareš dana 01.12. 2023. godine.

OPĆINSKI NAČELNIK

Zdravko Marošević

O b r a z l o ž e n j e

Odluke o raspisivanju izbora za članove Savjeta mjesne zajednice Neprivaj

1. Pravni osnov

Pravni osnov za donošenje ove Odluke sadržan je u članu 13. Zakona o principima lokalne samouprave FBiH („Službene novine FBiH“, broj: 49/06 i 51/09), članu 22. i članu 65. Statuta Općine Vareš – prečišćeni tekst, broj: 01-162/12 od 11.09.2012. godine.

U članu 65. stav 1. Statuta Općine Vareš – prečišćeni tekst, broj: 01-162/12 od 11.09.2012. godine, stoji: „Izbori za članove savjeta mjesne zajednice održavaju se u terminu utvrđenom odlukom Općinskog vijeća, a u pravilu istovremeno u svim mjesnim zajednicama“.

2. Razlog za donošenje

U mjesnoj zajednici Neprivaj već duži period postoje problemi u funkcioniranju organa ove mjesne zajednice odnosno u saradnji između predsjednika i članova savjeta. Služba za opću upravu, društvene djelatnosti i boračko-invalidsku zaštitu Općine Vareš je u skladu sa propisima pokušala iste riješiti kako bi mjesna zajednica mogla nesmetano funkcionirati. S obzirom da problemi nisu riješeni, Služba predlaže Općinskom vijeću Vareš da donese ovu Odluku kako bi se izvršio izbor novog savjeta i predsjednika i omogućilo nesmetano funkcioniranje mjesne zajednice Neprivaj.

3. Finansijska sredstva

Za sprovođenje ove Odluke nisu potrebna finansijska sredstva.

PREDLAGAČ:
OPĆINSKI NAČELNIK

Zdravko Marošević